

# VALGRISENCHÉ

## De iòou iàn lo non Vatican ?

Deun lo vioù tèn Vatican l'èi lo non d'eun tsantéi de Romma, su lo cotéi drette dou Tevere, fran eun fase dou Tsan de Mâse, a drèite dou Gianicolo.

L'èit eun poste umiddo é mäsàn, iòou y èi to de vaco maque bon pe alléi eun tsan. Apréi tchéica, Agrippina l'a fa féye de dzèn jardèn su le premiéye pènte de si groou tsantéi é l'ampéreur Nérón, Ilu, s'è fa féye eun petchoou sirque privà. Fran léi, sont issà tchouette le premiéi martire cretchèn é, euntre leue, euncó sèn Pièe, que l'eut issà euntèrà fran léi.

Dèi adón salla créisa l'eut issée eun semechéro payèn é cretchèn canque can l'ampéreur Costanteun, deun le-z-àn que van dou 326 (tréi sèn veuntechouéi) ou 333 (tréi sèn trèntetréi) apréi Jézù Cri, l'a fa anivèléi lo sondzón é l'a bâti la premiéye bazeleuca dediée a sèn Pièe.

L'eu maque a comèchéi de l'an 1870 que lo Vatican l'eu vegnù la rezidanse dou Sèn Péye perqué fa déye que ou Mouayèn-Adzo, lo Sèn Péye reustaa ou palé dou Latèràn é apréi euncó deun eun mouéi d'atre palé de Romma, comme lo Quirinale, iòou ou dzôr de vouéi reuste lo prézidàn de la repebleuca italiéna.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Préi de :

*Conte pe le petchoù de inque - Contes pour les enfants d'ici*

*Tome II, Histoires d'animaux*

Rita Decime, Musumeci Editeur, Quart (Ao) 1984

Texte inédit

Collaborateur de Valgrisenche pour la traduction: **Laura Gerbelle**

La transcription a été soignée par le Guichet Linguistique